



Yienhciengz nauhyied raixcaix.

3 nyied 19 hauh banhaet, Sanglinz Yen gaiq daihcib “cietsouhlaux” gaihmusiz youq aen yienh neix Bwzhih Cin Aicangz Cunh dieggaeuq Cicwngz banh. Fanh boux doxhwnj hekyouz caeuq dangdieg vunzlai daj gak dieg daeuq haenx doxcomz youq baihnaj Miuhoengsoulhlaux, yienhciengz roxyiuj goengsoulhlaux caeqbaiq dadenj, gyaqvasang cunzbyaij, diemjbing lienhbing, doiqfwen daengj minzsuz baijyienj ndei yawj, lij camgya le gwn aemjsoulhlaux, gai giygwn ndei, giceh baijgai daengj hozdung. Gaiq ciet souh laux vansou neix gyalai le haujlai vwnzdij guh’angq hanghmoeg fungfouq mizyinx dem.

Cietsouhlaux dwg aen ciet ndawbiengz conzdungj he, vih geiqniemh Cwngzcouh swsij Veiz Gez, aen yienh neix beixnuengx Bouxcuengh gagfat youq ngoenzseng (liggaeuq ndwengeih cib’it) de banh cietsouhlaux, aeu geiqniemh gij cingsaenz goengsoulhlaux guhndei cauxfuk beksingq, simdingh lienh ndang bonjfaenh, cangqheiq mingh-

raez. De dwg Vuengzcuengh ceiq hungmbwk Ciuhdangz. Vuj Cwzdenh gaemgienz seizgeiz, de guenj ceiqleix Cwngzcouh(Vujmingz、Yunghningz、Binhyangz、Laizbinh daengj dieg), de ciuhvunz ceih yak haenh ndei, cauxfuk beksingq, ndaej daengz Cwngzcouh beksingq haengjgyaez. Bi 2006 dieggaeuq Cicwngz ndaej laebbaenz daengx guék cungdenj vwnzvuz baujhoh danhvei, bi 2012 cietsouhlaux ndaej lied haeuj swcigih gaep feihvuzciz vwnzva yizcanj mingzloeg.

Caeqbaiq dadenj gouz youqndei. Caeqbaiq dadenj yiemzrwd caemrwd, henz daizcaeabaiq hoenz-yieng mbinfwdfwd, gak vunz gingqbaiq ndangdaenj caezcingj. Youq Bouxcuengh canghswhyiz caeqbaiq doeg liux cukfaenz doeklaeng, vunz gingqbaiq riengzdwk canghswhyiz caeqbaiq sonyinx, daihgua itheij mienh doiq ranzdienh goengsoulhlaux gingqbaiq, doengzcaez muengh bibi rumz swnh fwn yinz, ranzranz vuenyungz youqndei, saedceij ngoenz beij ngoenz ndei.

Caeqbaiq yizsi guhsat, gij minzsuz baijyienj engqgya ndei yawj. Daihgingz fouxhaiciengz 《Biengzhoeng Lungz Bonghmbin》、nyingz naqgung biujyienj、diuqfoux 《Dahnuengx Hoenx Yahvaiz》、gagciengq 《Sanglinz Lumj Man》 daengj gak cungj cezmuz ndei yawj laebdaeb hwnjdaiz yienjok, yienhciengz bouxyawj cungj bekwngz haenhndei, bouxboux yawj dwk da cungj mbouj yaep.

“Cietsouhlaux” laebdaeb banh cib bi daeuq, Bwzhih Cin Dangiveij、Cwngfuj doenggyaq banh ndei aen ciet neix, caenh’itbough senhconz gaisau le Bwzhih Cin minzcuz vwnzva、lijyouz swwhyenz、canjnieb gijndei daengj, gij mingzdaez binjbaiz caeuq yingjyangliz daezsang yienhda, doengzseiz hix yinx ndaej yied daeuq yied lai lauxhangz mizmingz caeuq bouxguhseng’eiq, daiqdoengh le ranghdieg ginghci hwngfat caeuq hwnjguh, vih doidoengh lajmbanj lijyouz hwngfat, gyavaiz baenzfouq vutgungz gyahaeuj rengzhoengh moq.



▲Makdauzsien hohsauh.



▲Lwngnyez yawj dwk da cungj mbouj yaep.



▲Biujyienj fouxsaeeij.

►Foux ndaej caen ndei yawj.



▲Biujyienj 《Dahnuengx Hoenx Yahvaiz》.



▲Dangdieg vunzlai daeuq caeqbaiq goengsoulhlaux.